



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

3. Custodia pudicitiæ.

[urn:nbn:de:hbz:466:1-68709](#)

jam capti. Plato (uti Augustinus Cælius refert lib. 59.) Europam filiam, animam, Dei sponsam interpretatur. Nam sicut regia illa virgo, et si patriam humentibus oculis respectaret, tamen à taurō, cui nimium blandita fuerat, à patria abducebatur: eodem proflus modo anima, æterni regis filia, maximo salutis periculo per medios hujus vitæ vortices, per procellosum hoc mare, ab indomito taurō, à suomet corpore in vitiorum præcipitia abripitur; & licet illa cœlum, suam patriam, licet Deum Conditorem ac parentem suum sèpius respiciat, tamen à furente hac bestia longè à patre abducitur. Sed sibi culpam illa imputet, cur fictæ illius mansuetudini fidem habuit. Sic agit corpus, ubi suis nequitij vires acquirit: sic abducit miseram animam, sic ingemiscit abripit per voluptatum fluctus in lachrimabile exitium. P. Hierem. Drexelius in Trismeg. lib. 3. c. 3. §. 2.

III. (c) Hinc etiam instruitur puellarum castitas, ut cautissimam sui curam habeat, nec blanditijs juvenum, & insidiosa familiaritate capi se finat. Monet S. Hieron. in Epistola ad Nepotian. Cave omnes suspiciones, & quidquid probabiliter fingi potest, ne fingatur, antè de vita. Crebra munuscula & sudariola, & fasciolas & vestes ori applicatas: & oblatos ac degustatos cibos sanctus amor non habet. Formulas ibidem amatorias, ac molles compellationes, ut suspectæ familiaritatis indicia, etiam in litteris, execratur. Mel meum, lumen meum, meum desiderium: omnes delicias & lepores, & risu dignas urbanitates, & cæteras ineptias amatorum in comœdijs erubescimus, in sæculi hominibus detestamur. Hæc vir ille sanctissimus; quid dicturus fuisset de lascivis attractionibus, basiationibus, amplexationibus, saltationibus &c. quibus incauta castitas deluditur & deperitur. Præsenti se periculo exposuit Europa. Primò, quod sola sine comite, regis filia, in publicum prodierit: deinde, quod extra mœnia egressa, obambulârit prata. Tertiò, quod non attenderit, sub insuetis tauri blanditijs insidias latere. Quartò, quod bestiæ dolose submittentis se, tergum infederit. Quid hæc significant aliud, quam venalem ei pudicitiam puellæ, quæ domesticos pertæsa lares, vagatur ibi, ubi non mortui, quod Plautus ait, sed vivi boves incurvant homines.

In hunc locum congruit, quod Spondanus narrat in Annalibus. Apud Carolum Ducem Calabriæ justitiae tenacissimum, puella juvenem nobilem accusavit virginitatis sibi per vim erectæ. Vocatur nobilis, negat quidquam per vim actum; jubet nihilominus Carolus puellæ centum aureos.

(c) *Custodia pudicitia.*

aureos dotis nomine numerari. Abit illa; insequitur jussu Ducis abeuntem juvenis, simulat ei se pecuniam erepturum. Illa solicitior de nummis, quām de pudicitia reluctando fortiter, eripit se manibus, reddit queribunda ad Carolum. Dux feminæ petulantiam increpans, si tantum, inquit, studij in pudore, quām in pecunia conservanda posuisse, illum nequaquam amissurus fuisses. Hoc ipsum fuerat Europæ occinendum, quæ apud Horatium lib. 3. Od. 27. amissio pudore frustra queritur:

----- Pater ô relictum

Filiæ nomen, pietasque! dixit

Victa furore.

Unde? quod veni? levis una mors est

Virginum culpæ.

Si quis infamem mihi nunc juvencum

Dedat irata, lacerare ferro, &

Frangere enitar modò multum amati

Cornua tauri.

Impudens liqui patrios penates,

Impudens Orcum moror. ô Deorum

Si quis haec audis, utinam inter erem

Nuda leones.

Quid mori cessas? potes ab hac orno

Pendula Zonâ bene te secuta

Lædere collum.

Sive te rupes, & acuta letho

Saxa delectant: age, te procellæ

Crede veloci &c.

Sed nimirum seri sunt post facinus gemitus, seri dolores, semel cœlaphsum non reducturi pudorem. Gravius S. Cyprianus: Dum ornari cultius, dum liberiū vagari virgines volunt, virgines esse desimunt, vi-duxè antè, quām nuptæ.



SYM-